

questo paexe, tutto poi passa bene. Se tratava mò i capitoli di merchadanti. Scrive el zorno di Pasqua di mazo.

113 A dì 30 di zugno, l'orator ave letere di la Signoria et particular, l'ultime di 20 april. Et inteso le nove grande de Italia de la tajata de francesi con il campo di la Liga e il seguito di Brexa e aute le terre, l'orator mandò a far asaper al signor Soldan che l'aveva letere di la Signoria di conferir con soa serenità, et questo titolo se li dà e si usa più che niun altro, e mori lo reputa de gran laude. Et la terza festa de Pasqua, a dì . . . , il signor Soldan dete audientia secreta a l'orator in una sala nuova facta far per lui sopra una corte quara e da l'altra banda sopra alcuni zardineti pieni di ozeleti, molto bela, alta da terra forsi 10 pie', granda, tutta sofità d'oro con fenestre grande atorno atorno la sala, le qual fenestre ha tute un pocho de loza coperta davanti cadauna de esse, che el sol non puol venir dentro la sala, e vien un ventesello per dite fenestre che è mirabel cossa, e in capo di la sala in testa è un camarin piccolo con tre fenestre di bronzo che varda su la sala, alte da terra zercha 4 pie'. El signor Soldan era sentà su quella de mezo, con el suo brochier e spada d'oro, che sempre la tien davanti quando el dà audientia. Era sentà su uno cussin tondo de veludo cremexin rechamà; l'orator era vestito di alto basso cremexin a manege dogal di zendado, bela vesta e molto apprezzata da' mori. Fece acostar l'orator e il secretario con el turziman a la fenestra dove era soa signoria, tutti i altri da l'altro di la sala; era da matina, ma el Soldan havia disnà. In quello, l'orator li espoxe quanto li cometea la Signoria, di le nove, etc. Il signor Soldan aldi gratamente le molte nove de Italia, e la tajata, e disse a l'orator ch'el sentiva gratamente ogni nostra prosperità, e ch'el cor di la Signoria, pur ch'el fusse bianco e dreto verso de lui, ch'el non voleva altro. L'orator li rispose: « Il cor de la mia Signoria è cussi puro e neto verso la tua serenità come lo è verso el signor Dio, e quello che la desidera de la tua persona e del tuo stado, Dio faza sempre a la mia testa ». El signor Soldan si satisfecce molto di ste parole, e si messe in tute le dolceze dil mondo, e usò sempre parole bone e onorate verso l'ambasador, dicendo: « Tu è ambasador di verità e homo sapientissimo; tu è un de quei che governa el tuo Stado; se tu farà che la tua Signoria sia sempre de questa mente verso de mi, Dio ve dia ogni prosperità e ogni ben; si sarà altrimenti, Dio faza le mie vendete. » E questa audientia fu per do hore, tutta piena de bone parole, dicendo: « Tu è venuto qua

per regular anche le cosse de la merchadantia, falo. » 113 *

E chiamò el coza et el nadarges che erano lì in sala, e li comisse andasseno a caxa di l'ambasador a tratar insieme. Et el coza cargò la nostra nation che no faceva più le facende solevano far, et che il consolo de' catelani faceva etc. L'orator li rispose che questa muda di Alexandria la nostra nation havea trato per ducati 400 milia, et che il fontego di chatelani non havea trato tanto in 50 anni; e l'ambasador poi se voltò verso il coza e li disse: « Coza, se tu desideri el ben del signor Soldan, fa bona compagnia a' nostri merchadanti, perchè con la bona compagnia le fazenze augmenta, e questa è la verità che li mei merchadanti tutti priegano Dio per la vita dil signor Soldan, perchè i dixè che l'è un signor mandato dal cielo, pien di bontà e de justitia, ma che ne sono ben qualche uno dei soi ministri che usano delle stranieze verso loro merchadanti, e sono muodi de dannificar el paexe de sua signoria, perchè la bona compagnia che fa i ministri verso i merchadanti è causa di beneficio grandò al Signor, e chi ha fato altrimenti ha operà contra el mio voler ». È cussi l'orator tolse licentia, et se ne vene a caxa. Scrive, stassi in aspetazion che sto coza vengi per ultimar li capitoli, aziò expediti si possi tuor licentia, e poter repatriar. Vien dito mori scorerà su li capitoli di la merchadantia di Alexandria fin zonzi qui uno orator dil Soffi, che vien a questo signor Soldan e molto honorato, si dice con cavali 150, e che l'era zonto in Alepo, sarà qui fin 15 over 20 zorni, e zonto el sia, el signor Soldan expedirà l'orator nostro subito, e questo fa per sua reputazion, aziò l'ambasador dil Soffi veda qui l'orator veneto e si certifichi siamo soi boni amici. Mori è maestri di queste cerimonie. Scrive, hanno lì in caxa 3 portoneri mamaluchi dil signor Soldan, ai qual l'orator à ordinato etc. . . .

*Sumario di letere di sier Marcho Antonio Tri- 114
vixan, de sier Domenego cavalier e procurator andò orator al signor Soldan, drizate a sier Piero suo fradelo, et date in Candia, a dì . . . Settembre 1512, ricevuta a dì . . .
Octubrio.*

Come, a dì 10 et 3 Zugno, dal Cajaro scrisse copiose: Avisa il partir di l'orator dal Cajaro a dì 2 Avosto, e insieme tutti, i do consoli, zoè sier Piero Zen di Damasco et sier Thomà Contarini di Alexandria et merchadanti et tutto il resto di subditi nostri che li erano stà retenuti, e tutti liberati, e fato